



Haáz Rezső Múzeum  
Tudományos Könyvtára



Haáz Rezső Múzeum  
Tudományos Könyvtára

F. 43. VII

## A D

IN ILLUSTRI GYMNASIO MAROS-  
VASARHELYENSI

A FUNDAMENTIS RECENS CONDITUM  
ET EXAEDIFICATUM;

SCRIPTA AB

ALEXANDRO KOVÁSZNAI

L I T E R A R U M I N E O D E M L U D O  
P R O F E S S O R E ;

Anno post natum Christum CIO DCCCLXXXI.  
Mense Junio.

TRAJ ECTI ad RHENUM.

Apud BARTHOL. WILD Bibliop.

M. DCC. LXXVIII.

Clarissimo Viro Gabrieli Nemes dono das Alexander  
Kovácsnai, M. Várfőhelyini A. 1785. 12 martii

2. to Mr. Coll. Rep. Dr. Warfield's copy  
 ex collatione Rev. Dr. Abbott's copy  
 dated June 1877







# A. K O V Á S Z N A I O R A T I O.

**I**nfulas medio mari vel etiam lacubus innatantes quae et arbores habeant, et herbas nutriant, tamen aqua sustineantur, et in hanc atque illam partem non tantum vento vehementi ac rabido, sed et lenibus auris impellantur; non dubito quin etsi non oculis ipsi videritis, Auditores omnium ordinum honoratissimi, plerique tamen e vobis aut legendo cognoscent, aut tamquam oppido rara et insignia naturae miracula, fando saltim audivissent. Quis enim est, qui sine summa contempleretur admiratione, tam gravem et ponderosam terrae portionem ingentes etiam templorum substructiones sustententem non mergi et pessum ire, sed aquis extantem fluitare, neque unquam per diem et noctem in uno eodemque loco stationem habere, verum instar navigiorum vel levi flatu moveri? Fuit aevo Pliniorum et Imperatoris Trajani lacus in Etruria nomine Vadimonis, in similitudinem jacentis rotæ circumscriptus et aequalis undique, in quo plures insulae herbidæ, omnes arundine et junco tectæ innatabant, quas Plinius ipse Caecilius se vidisse re-

fert, interdum junctas copulatasque et continenti  
similes, interdum discordantibus ventis digestas, cum  
autem per ventos tranquillitas esset, singulas seor-  
sum, totidem more carinarum fluitantes. Saepe nam-  
que minores majoribus velut cymbulae navibus one-  
rariis adhaerescabant, saepe inter se majores mino-  
resque concurrebant; quin etiam usu nonnunquam  
venire solebat, ut pecora herbas secuta sic in has  
insulas, ut in extremam ripam procederent, nec  
prius mobile solum intelligerent, quam litore abrep-  
ta circumfusum undique lacum vehementius admi-  
rata paverent, mox quo ventus tulisset egressa, non  
magis se descendisse quam ascendisse sentirent. Mit-  
to nunc alias in Italia fluctuantes insulas, quae in  
agro Caecubo vel Reatino, nec non in Tarquini-  
ensi maximo lacu, vel ad aquas denique Cutilias, nun-  
quam die ac nocte eodem loco visebantur, ut non  
modo Plinius alter, ille Veronensis, sed et Seneca  
et alii memoriae prodiderunt. Nec solum in Italia  
haec naturae admiranda videre licuit, verum etiam in  
aliis orbis terrae partibus, ut jam antiquissimis tem-  
poribus in Aegypto, quod ex Herodoto Pomponius  
Mela testatur, quodam in lacu Chemnis insula lucos  
filvasque et Apollinis grande sustinens templum, na-  
tabat, et quocumque venti agebant, pellebatur. Pa-  
riter in Lydia quae Calaminae vocabantur, non ven-  
tis solum sed etiam contis quo libuisset impulsae, mul-  
to-



torum civium Romanorum bello Mithridatico saluti fuerunt. Nulla tamen insularum erraticarum tantam hominum famam ac nominis celebritatem est consecuta, quam illa media clarissimaque Cycladum omnium, Apollinis templo et mercatu celebrata Delos, ubi Latona Apollinem atque Dianam fertur enixa, eoque his consecrata Deis tanta religione colebatur, ut ne Persae quidem cum bellum toti Graeciae, Deis hominibusque indixissent, classe mille navium ad Delon appulsa, eam attingere aut violare conarentur. Haec itaque insula Delos, quae vetustissimis diversisque temporibus Ortygia et Asteria, et Cynthia et Lagia et Chlamydia et Cynethus et Pyripile vocabatur, cum jam diu multumque fluctuata per mare vagando fuisset, geminis tandem ab Apolline catenis ad insulas Gyaron et Myconon devincta fuisset, ab eoque tempore, ventis contemptis, immota ac stabilis semper mansisset, veterum utriusque linguae poëtarum testimonio versibus et cantu praedicatur.

Sed quorsum haec tam multa de natantibus insulis, quaeratis ex me fortassis, ornatissimi Auditores? Nempe ut intelligatur, hoc Illustre Gymnasium Maros-Vásárhelyense, hanc pulcerrimam artium ingenuarum et bonae mentis officinam, insulis fluitantibus, quas prisca aetas Apollini consecravit, maximeque Delo, in dissimili genere multis nominibus

perfimilem esse. Illa Cycladum insularum in Aegaeo mari positarum quasi centrum et medium obtinebat; haec nostra Delos ceterorum in patria nostra Gymnasiorum fere meditullium est, et tamquam centralem occupat stationem. Illa ventis agitantibus permultum ante vagata, prius errabat, donec fixa et locata stabilem immotamque sibi quietem accepisset; pariter in hanc nostram insulam natantem saepe graves incubuere tempestates atque procellae, quae illam suis sedibus plus semel avulsam et emotam, in utroque patrio gentis nostrae solo, an salo, huc et illuc circumferebant, donec tandem in hac urbe Várfárhelyensi, constantem et perpetuam, ut spes est, sibi mansionem atque hospitium, Deo Principibusque approbantibus invenisset. Illam Apollo fixit, fundavit et constabilivit ne unquam amplius erraret; haec a sacratissimo Imperatore Carolo VI. veluti Iove quodam Statore, defixa et firmis regii decreti quasi funibus ita ligata est, nulla ut jam ventorum reslantium viribus labefactari aut loco dimoveri possit. Porro Delon istam prisca mortales Graeci homines, Apollini atque Dianae, quorum terra natalis erat, sacram esse voluerunt; pari ratione hanc nostram Delon sapientissimi patriae patres et munificentissimi Proceres, Apollini, hoc est omnis generis eruditioni et liberalissimis artibus excolendis; atque Dianae, id est castitati, pietati, sanctis-



ctissimisque et optimis moribus exercendis consecra-  
verunt. Denique, ut alia praetermittam, in insula  
Delo magnificentissimum Apollini templum veteres  
excitaverunt; aspiciate nunc, ornatissimi Audito-  
res, hanc novam et pulcerrimam aedem, hujus  
Deli nostrae recens et inusitatum ornamentum, vestra  
potissimum, o Musarum fautores munificentissimi,  
beneficentia, largitate et liberalitate nunquam fatis  
praedicanda constructam, quam in praesentia, solen-  
ni modo moreque majorum, non Apollini, ficto et  
commentitio veterum numini, sed Christo O. M.  
ejusque sanctissimis religionibus inauguramus dedi-  
camusque.

Cum autem ludum hunc literarium, omnis divi-  
nae humanaeque sapientiae domicilium, cum insulis  
natantibus nominatimque Delo comparaverim; non  
alienum ab hoc loco vel tempore, neque mea ve-  
strisque, ornatissimi Auditores, personis futurum  
arbitror, si fata et vicissitudines scholae nostrae  
inde a centum et decem circiter annis repetendo,  
(neque enim altius ascendere necesse est,) breviter  
prius exponam; deinde publico nomine, verbis con-  
ceptis, gratias immortales agam sacratissimis Prin-  
cipibus nostris et summo regioque illorum in patria  
nostra consilio; nobilissimis item hujus urbis magi-  
stratibus et omnibus bonis, qui de hoc Musarum sa-  
crario exaedificando, vel re vel consilio, vel qua-

cumque demum ratione bene mereri studuerunt; tum denique, fufis ad Deum precibus, hoc templum et bibliothecam istam, ritu religioso, cultui divino honorique numinis ejus consecrabo.

Ac primum quidem, omnium eorum, quos ego hoc in ornatisfimo confefsu adesfe video, arbitror reperiri neminem, cui minus intellectum vel auditum esfet, nostrum hoc ab initio Gymnasium non in Transilvania fuisse natum, sed originem et incubula natalesque suos, totius Hungariae nobilissimo illi Patakenfi Athenaeo, in haereditaria tunc Rakociorum possessione florenti, debere. Neque quemquam putaverim ita domi suae hospitem esse, et in tanta rerum patriarum atque ad eruditionem Christianamque religionem pertinentium ignoratione versari, quin pariter accepisset, quibus de causis et quo tandem casu quave sit occasione factum, ut relicta fede nativa, e vicina Hungaria in Transilvianiam nostram, anno post natum mundi Servatorem millesimo sexcentesimo septuagesimoque secundo transmigrarit. Quamquam autem animus, ut cum poeta loquar, temporum illorum vel meminisse horret luctuque plane refugit; memoranda tamen illa sed breviter tantum erunt, propterea quod non modo omnium gentium nationumque exterarum literis et linguis, sed etiam patriis annalibus ad posteritatis memoriam sempiternam commendatae leguntur dirae  
il.



illae et horrendae vexationes id temporis in Hungaria flagrant et funestae clades eorum, qui se ab emendata sacrorum professione vel Reformatos vel Evangelicos appellare solebant; quibus infinita tunc templa locaque rei divinae faciendae destinata, invita regia Majestate, per vim ab inimicis eripiebantur, ludi literarum et Gymnasia occludebantur aut dissipabantur, ac tandem complures illorum verbi divini praecones, contra mitissimi Caesaris voluntatem in jus injustissime vocati, quaestionibus in miseros inaudita cum saevitia et acerbitate habitis, vel lacrymosum in exilium, homines innocentissimi, extorres patria pellebantur, vel quod ipsa proscriptione gravius erat, ad triremes damnati Neapolitanas, in Italiam, ut aetatem reliquam in servitute omni morte duriori exigerent, amandabantur. Sinite vero jam hic, Auditores ornatissimi, involvere me silentio Sophiam Batorinam, Principis Rakocii posterioris viduam, quae tamquam Helena ista incendi Trojani, sic horum omnium malorum et miserrarum facem, causam originemque praebuerat; ac permittite hoc me loco pictores imitari, qui partes imaginis ad deformitatem insignes inumbrare aut penitus abscondere solent; parique modo praeterire me calamitatem illam, a nostris popularibus, qui tamen se socios Jesu vocitabant, in propria quasi viscera saevientibus illatam, conceditote. Quin etiam par

est ut illorum ignorantiae ac caecitati aequo jam nunc animo ac libenter ignoscere velimus, quippe qui vel inscientes et imprudentes, providentiae divinae tam sapienter omnia ad felicem eventum exitumque deducere solitae, velut instrumenta quaedam et administristri fuissent. Nam lumine captus sit oportet, et vel ad solis meridiani lucem caliget necesse est, qui hoc in negotio vim numenque divinum, ac coelestem rerum humanarum curationem et administrationem ex impressis hujusmodi vestigiis, tam manifestis sentire, et ipsis tantum non oculis videre ac perspicere non possit. Nisi enim haec schola nostra ceu planta quaedam e seminario per vim radicitus tunc esset evulsa et in has regiones transportata; nisi tamquam apum examen et nova soboles aut colonia, veluti fumo vexationis istius ad novas in patria nostra sedes quaerendas ex illo veteri alveario exacta fuisset; et nos hodie hoc ornatisimo Musarum delubro fortasse careremus, neque hinc tot viri eruditione ac pietate praestantes per amplius centum annos exire, ac tam immortalis Dei religionibus interpretandis, quam summae rei publicae procurandae praeessent tanto cum fructu potuissent. Quare ut ad insularum natantium similitudinem, qua eram initio hujus orationis usus, revertar, graves illae vexationum indignissimarum procellae et immanes ventorum turbines, tanto cum impetu rabieque in ludum illum Pa-

ta-



takiensem incurrerunt, eumque ita vehementi ictu percusserunt, ut Illustris illa doctrinarum sedes, velut insula quaedam quae adhuc immota tanto temporis intervallo Patakini haesisset, tunc non tantum e loco funditus convulsa et labefactata dimoveretur, sed etiam in duas praecipue partes diffinderetur; quarum una prius Göncium appulsa, mox deinde Casfoviam eodem turbine delata, per decennium et eo amplius natitabat, donec faventioribus usa ventis, Patakinum, unde propulsa fuerat, remearet, ubi hodieque, tametsi alio atque antea posita loco, pulcerrime viret, ac laetioribus in dies incrementis efflorescit. Altera vero pars eademque potior, unde post varios temporum casus et fortunae vicissitudines, nostra haec inclyta divinae humanaeque sapientiae palæstra tandem est enata, superato flumine Tibisco Debrecinum se contulit, ut in his exilii miseriis paullisper in ea urbe gentis Hungarorum capite, requiesceret et aliquantulum ab itineris molestia respiraret. Rerum ea tempestate his in terris potiebatur Michaël Apafius ille superior, Princeps clementissimus et optimus, neque modo religionis emendatae, et caeremoniarum repurgatarum amantissimus, sed et literarum peritus, et omnium quicumque bonarum artium studio tenerentur, fautor egregius, defensor, patronus et propugnator singularis; qui posteaquam magno cum animi dolore ac-

accepisset, scholam Patakinam, domo suisque fortunarum sedibus exturbatam, solum exilii causa vertisse, et migrationem in suam suscepisse Transilvaniam; re prius ad senatum et consiliarios relata, clementissime decrevit, exulibus illis in urbe sua Albenfi, fortunae miserae multumque iactatae portum ac perfugium aperire; ut ibi vacuefactas jam pridem sedes Gymnasii, quod maximus ille Principum, qui unquam de nostra gente regnarunt, Gabriel Betlenius Iktarensis, olim condiderat, occupare possent, occupatasque dum ita Deo O. M. visum fuisset, pacate, tranquille ac jure optimo possidere. Sic itaque factum est, Auditores, ut extorris illa studiosa juvenus, una cum duobus magni nominis et eruditionis profesforibus, Michaële Buzinkaïo et Ioanne Pósfaházio, quibus erat jam diu ante doctoribus usa, quosque hoc etiam tempore duces comitesque profectionis habebat, cista quadam lignea, quae supellectilem si qua erat pretiosior, et quicquid habebant argenti facti signatique, continebat, amplissimorum oppidi Debrecinensis Consulum et senatorum curae fideique credita, ipsi Debrecino egressi, anno praedicto superioris seculi septuagesimo et altero, ineunte mense Ianuario, Albam Gyulae, quae vulgo, sed male, Iulia, hodie vero a sacratissimo Imperatore Carolo VI. Carolina vocitatur, feliciter appulerint, ibique in tutela, ac praesidio peroppor-



portuno Principis Apafii tandem aliquando confederint. Qui quidem Princeps indulgentissimus nihil prius et antiquius habebat, quam ordinare novellam hanc Musarum coloniam, ac delectos ex Illustribus viris Curatores ei praeficere, qui cum id diligenter operam darent ut leges moresque veteres scholae Patakinae, in quantum quidem ad patriae nostrae rationes et consuetudinem accommodari possent, studiosissime servarentur, tum et illud uti viderent, ne quid detrimenti in rebus ad victum quotidianum et vitam sustentandam pertinentibus adolescentes studiosi paterentur. Accipite quaeso verba ipsa literarum publicarum signo Principali munitarum et ad nostram memoriam permanentium, quae super his rebus in diplomate Curatoribus dato expressa leguntur, Principisque sanctissimi pietatem adversus Deum, et animum ad misericordiam propensum satis superque declarant. *Damus, inquit, hanc instructionem (non mea sed Apafii Principis verba nunc auditis,) Curatoribus Illustribus Collegii olim Saros Patakin in regno Hungariae intra aliquot annorum decades cum maximo Ecclesiae ac rei publicae Christianae emolumento missionem suam continuantis; nunc vero ultricibus per peccata nostra Iehovae manibus, in nos concitis ingravescens persecutionis fluctibus, cum maximo ac nunquam satis defendendo Ecclesiae ac rei publicae Christianae damno, eodem expulsi, sed ex benigna ac Principali nostra an-*  
nu-

nuentia, singularique in litteras ac litteratos affectione, accedente etiam fidelium Consiliariorum nostrorum, ceterorumque in hoc regno Patronorum consensu ac pia liberalitate, donec summus ille Regum et regnorum moderator ac oppressae Ecclesiae vindex fortissimus, depresso fluctuum ferocientium tumore, confidentium sibi spes precesque laetum duxerit ad exitum, Albae Iuliae Transilvanorum, tanquam in bonae Spei portu ancoram figentis, Anno Domini millesimo, sexcentesimo, septuagesimo secundo. O decretum, Auditores, clementissimum, sempiterna memoria conservandum, et ab omnibus bonis perpetuo celebrandum! O Principem omni laude ac praedicatione dignum sed omni majorem!

— Erant illa tempora supra quam dici potest misera ac vehementer exulcerata; hoc ejus regnum exiguis contentum finibus ab infensissimis Christianae religionis hostibus undiquaque cingebatur; Hungariam in vicinia positam partim continuis bellorum flammis Turcorum barbaries infestabat; partim impii sacerdotes a sodalitate Iesu cognominati, sacra omnia juxta ac profana miscentes et perturbantes vexabant ac populabantur. In tam dubio tamen ac periculoso rei publicae statu, in medijs ardentium ubique tumultuum faucibus constitutus Princeps, Musas exulantes in fidem recipere non dubitabat; nec illi veniebat in mentem pertimescere, ne propter supplices illos hospitio acceptos bellum sibi grave et anceps



ceps a regibus vel ab aliis indiceretur , aut aliqua  
faltem invidia conflaretur, qui hac liberalitate of-  
fensi, in deterius id essent relaturi et ad injuriam  
sibi factam interpretaturi. Nihil ejus animum hujus  
generis cogitationes, nihil odium et invidia in se  
forte hoc e facto redundatura, nihil aerarii angu-  
stiae, nihil rerum ceterarum penuria, nihil horum  
similes aliae difficultates moverunt. Ille Musas man-  
svetiores ab istis Pyreneis violatas, patria expulsas,  
ejectas, et crudeliter exterminatas, magno animo  
in regnum et urbem receptas civitate donavit; Ille  
in Albano suo Parnaso, vexationum in Hungaria  
concitatarum fluctibus inobruo collocavit; Ille fessas  
ac de itinere languentes largo misericordiae ac be-  
nignitatis suae flumine, veluti Castalii fontis amoe-  
nitate recreavit; quo in loco per annos quadraginta  
et eo amplius, haec insula etsi firma fatis ac funda-  
ta perseveraret, variorum tamen interea temporis  
nimborum ac tempestatum foeditatem excipere ac  
tolerare cogeatur. Nam Apasio Principe anno ejus  
seculi nonagesimo, rebus humanis exempto, sub ejus  
successore filio cognomine, qui non satis aptus na-  
tus esse videbatur ad habenas hujus Provinciae mo-  
derandas; ingentes in summa re publica mutationes  
consecutae fuerunt; nostraque Transilvania venit  
in potestatem ac ditionem excelsissimae gentis Austri-  
acae, inque fidem accepta est ab Augusto Caesare  
et





et Romanorum Imperatore Leopoldo Magno; cuius quidem imperium mite ac moderatum nihilhujus Gymnasii rebus afferebat detrimenti; sed per frequentes sub idem tempus barbarorum omnia ferro flammaque depopulantium irruptiones; maximeque paullo post novo, hoc ipso videlicet ineunte seculo, cum Princeps Franciscus Rakocius ejus nominis secundus res novas moliretur, et inchoatam in Hungaria defectionem ac seditionem pluribus annis duraturam in has quoque regiones secum una transtulisset; incredibile dictu est, quas toto illo tempore miserias, ut omnes in universum incolae, sic et adolescentes doctrinarum studiis dediti viderint ac fuerint experti. Dissociatis namque civium animis, cum alii Caesarianis, alii Rakocianis faverent partibus, duoque diversa ac plane contraria studia factionesque natae fuissent; nunc a milite Caesariano Gymnasium expilabatur, nunc, si quid ille reliqui fecisset, id ab his qui partium Rakocianarum erant, diripiebatur; adeo ut plus semel eadem vestimenta ac supellectilia forent modo ab his, modo ab istis ablata, pretio depenso redimenda, magnoque locorum intervallo reducenda. Quid? quod ipse V. C. Samuel Kaposius, qui solus in hac omnium rerum perturbatione, his tam perditis et omni diritate, omni scelere ac flagitio reffer-tis temporibus ludum hunc literarium regebat, falso in eum rumore conficto, proditionis insimulatus, a

cru-



cruce signatis, quo se modo Rakociani nominare solebant, in captivitatem est abductus; unde tamen post aliquot dierum hebdomadas, pro sua facundia et agendis in rebus dexteritate liberatus, salvus et incolumis remeavit. Sed quoniam vis illa malorum ac tempestas, quae per octo propemodum annos has tunc in terras saeviebat, communis erat omnium, non modo ceterorum in patria Gymnasiorum, sed etiam quorumlibet incolarum, qui pari omnes calamitate premebantur; nihil amplius de his aerumnis ac miseriis addam, verum ad ea potius breviter commemoranda revertar, quae magis priva propriaeque novi hujus Albenfis ludi literarii, maxime quod ad rationem doctrinarum pertineret, fuerunt.

Quamvis igitur annis quatuor et quadraginta, quibus in arce Albana commorabatur, septem omnino hoc Athenaeum sapientiae doctores atque magistros, qui profesores appellantur, numeraverit; duo tamen ex illis, *Stephanum Kis Komaromiensem* et *Ioannem Berzetensem*, sola nominum mentione facta contentus praeteribo, propterea quod ille nihil, quod equidem sciam, scriptorum reliquerit; hic autem per summam temporis brevitatem, nullum sui documentum dare potuerit, intra primum videlicet sui muneris initi mensem morte praeventus. Relinquitur ergo, uti de tribus potissime, quos jam paullo ante commemoravi, *Buzinkaïo*, *Pósfaházio*, atque *Kapos-*

fio, pauca quaedam dicenda videantur; quorum quidem singuli, cum alias gentes ac nationes exterarum studio discendi et audiendi peragrarunt, tum vel in primis ad colligendas in omni disciplinarum genere eruditionis opes, diu multumque in foederatis potentissimorum et terra et mari Batavorum civitatibus haeserunt; unde tamquam e magnis fluminibus et uberissimis fontibus, omnes verae germanaeque doctrinae, omnes divinarum humanarumque scientiarum rivuli, in utramque nationis nostrae patriam, jam a longinquis temporibus derivati manarunt; et si quid apud nos culturae, si quid bonae mentis etiamnum reperitur, totum id Belgis praesertim hominibus hodieque debetur, et pro immortalibus illorum in nos meritis acceptum refertur et imputatur. Sunt igitur hi tres viri a compluribus iisdemque eruditissimis lucubrationibus et ingenii monumentis Latina gentilique lingua consignatis et editis, ad hodiernum usque diem apud nos suo merito clarissimi; eamque nominis famam ac celebritatem adepti, quam nulla unquam aetatis venturae oblivio videtur esse deletura. Longum sit enumerare libros ab illis utroque sermone confectos, et eorum argumenta nominatim perferre neque huius loci neque temporis est, Auditores; illud tamen praeterire non possum, quod cum illi duo priores cum exule sua juventute scholastica, sedem suarum fortunarum in Transilvania fixissent,



sent, ubi jam tum Cartesiana philosophandi via, et in sacris literis interpretandis Coccejana ratio, scholarum cathedras occuparat, hi nostri, utriusque sectae ac haereseos istius hostes et inimici, Enyedensis praecipue Gymnasii doctores adorti, multum iis negotii facescebant, et acerrimè gravissimeque adversabantur, proque temporum illorum consuetudine, praesertim Pósfaházus, quicquid virium habebat et acerbitalis, id totum in illos effundebat; cujus rei testis esse potest vel unus conventus Ecclesiasticorum Radnotensis. Quodsi nunc ab inferis hi duumviri excitarentur; quantos laetitiae fructus, quid voluptatis capturos arbitramini, quove triumphaturos gaudio, cum viderent sui se voti damnatos et compotes post obitum factos? frigere nunc ubique locorum allegorias et mytheria Coccejana; Cartesii cogitationem, machinas et vortices sic esse jam dudum ab tam exigua temporis intercapedine absorptos atque sepultos, vix ut tenuis illorum fama expatrum avorumque memoria repetita nostrorum hominum aures animosque perlabatur? De Samuele autem Kaposio, qui doctoris sacrarum scripturarum appellatione, laurea et insignibus cohonestatus, non magno intervallo superioribus illis succederat, quid ego multa praedicem? Quo quidem certe seu decoram virilis formae dignitatem spectare velles; si ve animum omni doctrinarum non minus humana-

rum quam divinarum multiplici varietate imbutum; five gratiam, favorem et benevolentiam, suis meritis ac virtutibus apud omnes partam collectamque considerare; nihil in gente Hungarorum excellentius aetatis suae tempora tulisse confiterere. Quibus rebus fiebat, ut omnem fere nobilitatem, cunctos divitum ac potentiorum liberos in suam ille disciplinam Albensem pertraheret; quae etsi nullis certis vestigialibus annuisque fructibus aut possessione praediorum, ut reliqui duo celebriores in patria ludi, Enyedensis et Kolosvarinus, sed sola beneficorum hominum libera voluntate a suo cujusque arbitratu pendente sustentabatur, inque diem quasi vivebat; non minora tamen commoda, nec pauciores in utramque Hungarorum rem publicam ex his advenis et hospitibus Musarum alumni diffundebantur utilitates, quam ex domesticis omnibus et indigenis, qui patrios intra fines nati pariter educatique fuerunt. Et sane quae sit vis benevolentiae, quae gratiae quae caritatis efficacitas, quid possit amor, quid studium, et quanta sit pietatis in Deum efficientia, si quis est qui dubitaret; is in profugam modo hanc Musarum coloniam velut in speculum intueatur, in qua Procerum Transilvaniae benignitas et prompta parataque de literis, earumque cultoribus bene merendi voluntas, tamquam in illustri posita monumento relucet. Quo ex fonte illa quoque consuetudo proflu-



fluxit, quae ad nostram memoriam perseverat, sed ab omnibus aliis quoque Gymnasiis cupide statim tunc arrepta ac recepta jam pridem usurpatur, studiosos juvenes in tribus praecipuis festorum dierum anniversariis solennitatibus, ad sacras conciones in aedibus Procerum ac nobilium opulentiorum habendas emittendi; quod sibi praestitum ab illis officium, hi stipe quadam et pecunia remunerantur; qui tamen amoris qualiscumque fructus, ut nunc est, detrimenti an utilitatis plus ad studiorum rationem afferat, neque scio, nec si scirem, dicere juvaret; eoque prudentioribus hoc quicquid est instituti dijudicandum relinquo.

Veniendum potius nunc est ad duo reliquos e septem Albani hujus ludi magistris, et literarum professoribus, *Andream Zilainum*, qui post Kaposium anno hujus Seculi decimo tertio fatis abreptum, in ejus locum ab Illustri senatu Ecclesiastico surrogatus erat; et *Michaëlem Szatmarinum*, qui biennio post Tokájino deductus et illi collega datus est; quorum temporibus iterum hic ludus loco suo dimovebatur, et arce Albana cedere, imperio Caesaris Augusti jubebatur. Atque ita haec nostra Delos, etsi non tanta tamque procellosae hyemis violentia, quantam in Hungaria fuerat perpesa, sed longe mitioribus ac lenioribus regiae Majestatis auris impulsâ, denuo tamen natitare ac fluctuare coepit. Composito nam-

que tumultu Rakociano, et extinctis turbarum intestinarum bellorumque civilium flammis, interim Carolus VI. non imperii modo Romani potiebatur, verum etiam diademate Hungarico, anno Seculi duodecimo, redimiebatur: qui quidem Princeps potentissimus et sapientissimus, nihil tunc rerum humanarum sibi prius, quam de Turcorum barbarie totius Hungariae finibus depellenda cogitandum et agendum judicavit. Quod cum se nequicquam tentatum intelligeret, nisi si nostrae Transilvaniae loca castellis idonea, inque primis Albam Gyulae sedem olim Principalem, situ et ingenio naturaque ad hoc consilium exequendum unam omnium accommodatissimam urbem, fossis, moenibus, propugnaculis et operibus, ad leges architecturae militaris communivisset, idque alia nulla prorsus ratione perfici posset, quam si, Germanis militibus exceptis, omnes sine discrimine cives cujuscumque ordinis et dignitatis, qui domicilium in arce habuissent, inde in loca suburbana, quae Marisus amnis perlabitur, habitatum demigrarent; edicto clementissimo quidem illo, sed per rei publicae tutandae rationes necessario et inevitabili, ut alios arcis incolas universos, ita quoque Gymnasium, anno sextodecimo Seculi quod vivimus, castello Albeni excedere imperavit. Hic autem operae pretium est videre simul et admirari, quantum interfuerit inter hanc demigrationem jussu

Cae.



Caesaris Augusti denunciata, et illam, cui pridem in Hungaria, nefarii sacerdotes e societate Iesu, an-  
sam occasionemque praebuerunt. Etenim illa ab  
istis injungebatur ad suam ipsorum insatiabilem do-  
minandi libidinem explendam; haec a Principe ad  
universae rei publicae Christianae salutem conser-  
vandam. Illa solos purioribus sacris initiatos pete-  
bat; haec ad omnem promiscue populum Albanum  
pertinebat. Illam consequebantur cruciatus, carce-  
res; exilium, mors; hanc libertas in quocumque lo-  
co vel urbe visum fuisset intra fines patrios sedem  
figendi. Denique quid quaeritis Auditores? hujus  
auctor mitissimus Princeps patriaeque pater Carolus  
VI; at illius e diverso, non patres, (quo tamen sed  
falso nomine se dici et appellitari vehementer ama-  
bant,) sed crudelissimae pestes, et publicae  
pacis ab ultima origine sua perturbatores extiterunt.  
Ad summam, tunc furentes ventorum violentissimo-  
rum impetus, turbines fulmine commisti, presteres  
ac typhones in hanc mobilem insulam impingentes,  
eam vi et injuriose fractam et in partes solutam disji-  
ciebant; nunc autem aura placidissima leniterque spi-  
rans, nostram hanc Delon loco suo molliter dimo-  
vebat. Succeserat jam tum Praefidi Rabutino, at-  
que id temporis patriae nostrae cum imperio prae-  
fectus, summam rerum bellicarum administrabat Co-  
mes Stephanus Steinvillius natione Lotharingus, vir

non modo fortissimus et prudentissimus, sed omnis aequi justique studio, animique lenitate, modestia, humanitate summa praeditus, aeterna memoria ac sempiterna laude dignissimus, et is, quem impeditis temporibus istis, vixdum sopitis adhuc et sedatis intestinarum disensionum fluctibus, patriae nostrae gubernaculis asfidere, et Caesaris sapientiae prorsus erat, et e re publica videbatur esse. Nam et militem in officio magna vigilantia continebat, et provincialibus pro suo cuique jure omnia ex aequo bonoque tribuebat, nec ullis partium studiis transversum abripi et auferri se patiebatur. Et quamvis in rerum civilium administratione, summi consilii et senatus princeps, quem Gubernatorem vocant, Sigismundus Kornisius esset, Steinvillius tamen multo majori fuerat cum auctoritate legatus, omninoque plena rerum agendarum potestate a Caesare instructus, in Transilvania pollebat; ut quicquid decrevisset, constituisset, ordinavisset; fixum, ratum, ab Imperatore haberetur; quem quidem ego virum divino plane consilio ad haec tempora servatum et in hanc regionem missum arbitror, ut esset, ad cuius aequitatem homines miseri confugerent, quem libellis supplicibus convenire auderent, cuique liberas de injuriis querimonias cum spe fiduciaque deferrent.

Ceterum anno superiori decimo quinto, abhinc  
sexto



sexto et sexagesimo, quo et novae munitio-  
nis fun-  
damenta a Steinvillio et Kornifio, solita cum pompa  
et solenni ritus apparatusque magnificentia jacieban-  
tur, et urbs Albae Carolinae nomen accipiebat; in  
comitiis regni magnis animorum motibus agitata  
jam erat causa Gymnasii inde amovendi, maximeque  
templi tradendi, quod a nostrae sectae hominibus  
per omnes Principum Transilvaniensium aetates, ad  
id usque tempus, optimo jure in arce illa possideba-  
tur; quippe ubi sacrorum nostrorum et religionis  
primarius antistes, quem Episcopum appellamus, se-  
dem atque habitationem perpetuo tenuisset. Quam  
aedem sacram, cum in illo omnium ordinum con-  
ventu Romanae sectae proceres a senatu Ecclesia-  
stico peterent; hi quamvis ab initio negarent sui rem  
arbitrii esse, sua sponte quicquam statuere de tem-  
plo, quippe quod non tam suum esset, quam ipsius  
Dei, cujus honori cultuique foret sanctum atque  
destinatum; adderentque, se, si praediis et pos-  
sionibus avitis regia Majestas decedere jussisset, cau-  
sam fuisse nullam dicturos, quin dicto audientes es-  
se continuo vellent; nunc aliam esse istius templi  
rationem; et cetera plura generis ejusdem; sed cum  
adversariae partis principes, potentioribus pro statu  
temporum illorum, rationibus instarent, hisque tri-  
bus argumentis pugnarent; principio, aedem illam  
suam fuisse, (olim nempe ante sacrorum emendatio-

nem a Pontificiis aedificatam,) deinde, Imperatorem mandare, denique, necessitatem jubere; multis verbis ac sermonibus ultro citroque habitis, post longam disputationum contentionem, nostri tandem succubuerunt, atque ad certas pactiones et conditiones compensationis, et jacturae sarcindae descendere debuerunt. Sic itaque templo tradito, Praeful nostras Enyedinum concessit; cujus exemplum sequi non ita multo post, Gymnasium quoque cogebatur, etsi quemnam in locum demigraret, nihil adhuc esset certi, neque a Steinvillio neque a nostrarum partium optimatibus constitutum aut designatum. Interim appropinquaret annus ille praedictus sextus et decimus, mensisque Martius agebatur, cum more modoque in rebus juridicis usitato, primores in Gymnasio juvenes, duorum scribarum regionum opera commonefacti, ac nomine Principis Augusti jussi fuerunt, intra diem decimum quintum ab hoc ipso die numerandum, omnes ad unum suis sedibus et arce Albana excedere, et fortunas ac domicilia, ubicumque videretur, alibi collocare. Quare ad has angustias redacti, quando nullum amplius morae vel cunctationis, nullum tergiversandi aut deliberandi locum superesse viderent, hospitio tumultuario in pagis vicinis quaesito, rebusque suis quae moveri poterant, ut in tanta festinatione licebat, comparatis; et supellectili vehiculis se mox secuturis imposita, ipsi



ipſi a. d. vii. Kal. Apriles, in aream Gymnaſii prodeuntes conſluebant, una cum vexillis et tympanis, quae velut imaginaria militiae ſimulacra, pueris ludendi gratia in campum egreſſis ad oblectationem concedi hodieque ſolent; ſed tunc ut luſtus et migrationis ſignificationem oſtenderent, ſignorum vela terram verſus, tamquam faſces apud Romanos honoris cauſa ſummittebantur, tympana vero pannis erant atris obducta; atque ita longo ordine e paribus compoſitis conſtante, ut funeribus efferendis fieri conſuevit, primum agmen pueri ducebant, quos ephebi et adoleſcentes, et ita porro ſtudioſi iuvenes conſequebantur, agmen denique profeſſores ambo rheda eadem invecſti claudebant. Sic ex arce primum proſecti, dein ex urbe diſcedebant, comitantibus et ſlentibus uſque ad fines agri Albani omnibus incolis et civibus, maximaque vulgi frequentia cum lacrymis et gemitibus manifeſtum luſtus et deſiderii ſignum et indicium edente. At illi alternis inter incedendum vicibus, nunc ſacrum carmen Davidis quadrageſimum et alterum, eoque finito, ſeptimum atque triceſimum ſupra centeſimum, aliaque cantica concinebant, nunc tympana gradiendo pulſabant, quibus alterne per intervalla identidem repetitis, migrationis ſuae miſerias per totum iter illud fallere ac ſolari conabantur, donec vicum nomine Karkoviam, uno fere milliaro ab urbe Albana di-

distantem, quem S. R. I. Comes Ladislaus Telekinus Székenfis, magni Michaëlis filius, jure haereditario, ditione tenebat, tetigissent. Is enim vir sanctissimus et integerrimus, magno parente suaque gente Telekina (qua e stirpe nati plerique omnes et ipsi docti et doctorum hominum ante alios cupidi, amantes et summi fautores semper extiterunt,) dignissimus, non solum concesserat, ut sedibus exacta publice juvenus illa, in hoc suum praedium tamquam ad asylum aut aram confugeret, verum etiam ut eo pervenerunt, omnes liberali hospitio, et quidem profesores nec non aliquam juvenum partem in suas aedes aulamque recepit, ceteris in vico per domos hospitales distribui jussis. Ad hunc itaque modum, nostra haec insula Delos, cum Albâ enatasset, rursus Karkoviae paullisper substitit; quodque mirabile planeque portenti simile videtur, nihil interea loci de consuetis studiorum exercitationibus et industria hi profugi remittebant, et tam preces, quam acroases magistrorum in templo Karkovienfi quotidie fiebant, ad eosque conventus definitis certisque horis habendos, strepitu tympanorum signa edebantur.

Sed quoniam nullo pacto fieri poterat, ut eo loci paullo diutius perseverarent, dandis ad Steinvillium supplicibus literis, quibus ille semper humanissime respondebat, omnem movebant lapidem, ut primo quo-



quoque tempore certa sibi stabilisque sedes ad quietem, designaretur; neque Proceres nostri, Helveticae, ut nominantur, professionis, quicquam inexpertum et intentatum hac in causa negotioque Gymnasii jam emoti relinquebant; verum enimvero de rebus tam exiguis inter tot tantasque bellorum gravissimorum sollicitudines, Imperatori tunc deliberare minime vacabat; quippe cum eadem aestate, fortissimus ille dux Eugenius, Caesaris auspiciis suoque ductu, infinitas Turcorum copias ad Varadinum Petri delesset, eodemque victoriae cursu Temesvarinum, omnemque illum inferiorem Hungariae tractum ab eisdem hostibus in deditiōnem accepisset; adeo ut vel minima tunc Principis cura cogitatioque multo prior et antiquior rei tam minutae studio iure ac merito videretur. Equidem Steinvillius, quam Alba excederent, jam ante sponponderat, in seque receperat, cum damni quod fecissent aequam et justam ab Augusta aula se compensationem impetraturum, tum vero, quemcumque in locum et urbem Gymnasium commigravisset, sibi curae futurum, ut ibidem in tuto esse, sine omni periculo, noxa et injuria, securi, otium, pacem tranquillitatemque habere possent. Optione sibi data, duo potissimum loca nostrorum animis obversabantur, Szász-Városinum et Maros-Vásárhelyinum, quorum illud cum propius abesset, tam ob vecturae difficultates evitandas,



das, quam aliis de causis prae Váásrhelyino magis arridebat; quorsum etiam viginti circiter e studiosa pube, ceteris quasi viam praeituri hac eadem aestate semet conferebant; sed varii rursus erant venti suborti, reflantes, qui, quo minus haec insula Szász-Várofinum transnatare, ibidemque radices agere posset, prohibuerunt. Neque enim tantum natio Saxonica, cujus in territorio oppidum illud censetur, reclamabat ac refragabatur, contraque palam dicebat; sed et ipse Steinvillius auctor svasorque vehementer erat, ut potius Maros-Váásrhelyinum eligerent; ubi quietem et securitatem illis nomine Caesaris pollicebatur, quam se negabat Szász-Várofini praestare posse, propterea quod partes illae Transilvaniae vergentes ad meridiem, bellorum impendentium tumultibus magis obnoxiae expositaeque forent. Hac tanti ponderis ratione a Steinvillio proposita, permoti, et senatus noster Ecclesiasticus, et professores ipsi communi juventutis nomine, ante, quam in viam se darent, XII. Kal. Decembris literas elegantes, quae adhuc aservantur, ad magistratum Váásrhelyensem exararunt, quibus hospitium sibi a Praefide Provinciae demonstratum, ad aliquod temporis spatium obtinendum precabantur. Cui postulato, auctoritate Steinvillii atque adeo Caesaris ipsius munito, cum magistratus non repugnaret, potiusque locum libenter relinqueret; Gymnasium

Kar.



Karkoviâ, v. Kal. Decembris discedebat, et eodem anno praedicto qui hujus Seculi decimus sextus erat, iv. Nonas Decembris in hanc civitatem advenit; ubi in praeparatis jam ante pro sua cuique conditione hospitibus, aequae ac milites in hibernaculis, tam inferiores discentium classes et ordines, quam cetera pubes scholastica distributa collocabatur; dataeque postmodo literae Szász-Városinum, ut et hi qui illo se Karkoviâ contulerant, huc sequerentur, et in urbem Maros-Vásárhelyensem ascendere maturarent. Atque ita tandem, Auditores ornatisimi, hanc nostram insulam natitantem, in hanc urbem vel deduximus, vel a variis ventorum flatibus latam et fluitantem, inque has partes tendentem, verbis et oratione profecuti usque adhuc sumus.

Neque tamen existimare debetis, eam, simul atque huc appulisset, ita statim firmis depactam fundamentis constituisse, ut jam illi nullum a ventis detrimentum esset metuendum. Nec enim perpetuam ibi sedem et stationem, sed mansionem duntaxat ad tempus et quasi diversorium petierant, interea dum causa hac ab ipsomet sacratissimo Imperatore cognita ac dijudicata, decreto ejusdem, ab Steinvillio data fides exsolveretur, promissaque praestarentur; nempe ut locus novo Gymnasio aedificando aptus, isque regio diplomate confirmatus assignaretur, triaque praeterea numorum aureorum millia damnis compen-



pensandis et farciendis ex aerario numerarentur. Hac spe et expectatione suspensi, universa illa hospita juvenus, instar militum in hibernis agentium, duas hyemes et unam aestatem illis interjectam exegerunt; ad sua tamen ordinaria doctrinarum studia nihilo facius per idem tempus incubuerunt atque antea, suis rebus integris et ex animi sententia succedentibus facere conserant. Nam et ad profesores audiendos apud forum in conclave quoddam superius, eo loci positum ubi nunc Telekina domus est, statis temporibus quotidie conveniebant, et puerorum institutiones, in variis civium testis ac domiciliis pariter peragebantur. Cumque et urbs ipsa proprium haberet literarum ludum, sed non ita frequentem et unius duntaxat doctoris magisterio contentum, quem ante hospitis huius Gymnasii majoris adventum jam pridem aluerat; tota haec civitas quanta erat, in Musarum quemdam montem et sacrarium videbatur esse conversa; superiorem ejus partem indigenis et veteribus Pieridum alumnis, inferiorem hospitibus et peregrinis occupantibus; quo in statu biennium illis est praeter propter circumactum. Interim anno Saeculi xvii. res maximas Augustus Caesar in Hungaria per Eugenium ad Albam Graecam contra Turcos, et Steinvillio duce his in regionibus gerebat; qui quidem Steinvillius tota transalpina Valachia ad Alutam usque flumen perdomita, inque potestatem Imperato-



toris redacta, viam admirabilem ad angustias Rubrae Turris ut vocant, in rupibus excisam emunierat, eamque de Caesaris vocabulo Carolinam appellarat. Iamque nationes barbarae cuncta Hungaria exactae propemodum fuerant, ac profligatae, cum anno sequenti XVIII. pax inter Turcos et Romanum Imperatorem, Britannis et Belgis conciliatoribus atque sequestris convenit; eoque in comitiis Kolosvariae hoc anno celebratis, res etiam erratici hujus Gymnasii rursus ad ordines regni referebantur. Etenim Steinvillius etsi de pacta compensatione pecuniaria promissis non staret, eandem tamen libertatem, quam ante Caesaris nomine concesserat, nunc quoque Proceribus nostris annuebat, ut vel alio Gymnasium transmigraret, vel si visum ita fuisset, Váshelyini, ubi jam tunc erat, propriam perpetuamque sedem sibi vindicaret; itaque totum illud negotium ex arbitratu nostri Senatus Ecclesiastici pendebat. Ecce autem subito ventus necopinatus, unde minime debebat ac sperabatur, rursus spirare coepit adversus Delum hanc nostram hinc quoque removendam! Et si enim tota id temporis urbs haec Maros-Váshelyensis, nemine civium excepto, Helveticam religionis formulam et normam, quae Confessio nominatur, amplecteretur; inventi tamen e magistratu isto nonnulli fuerunt, ne quid gravius dicam, nimis angusto, humili et abjecto animo homines, qui nescio

C

qui-

quibus variis et ridiculis rationibus commentis et excogitatis, manibus pedibusque obnixè omnia faciebant, et id operam pro sua parte virili dabant, ne Gymnasium hoc errabundum et ambulatile in sui gremio inveterasceret, sed dum adhuc recens esset, sedibus ejiceretur, neve cum suo, quem adhuc habuissent, ludo conjungeretur. Non est operae, Auditores, vel, si maxime foret, temporis ad dicendum mihi constituti ratio neutiquam ferret, illorum species et causas, undecim capitibus comprehensas, vobis audientibus enumerare, quae cum ad manum sunt, proferendae tamen vel horum honoris causa minime videntur, qui cum illis hac de temeritate nullo modo consentiebant. Has igitur suas tam elegantes, si Diis placet, argutias, posteaquam Kolosvarinum, ubi tunc totius regni conventus agebatur, Senatui Ecclesiastico misissent; rescripserunt e vestigio Proceres nostri vi. Kal. Aprilis, atque illis ad omnia sapientissime responderunt; addito praeterea; nihil esse, cur sibi suaeque scholae tantopere metuerent Maros-Vásárhelyenses, celebriori illo Gymnasio exule apud ipsos fixo atque locato, nulli quippe civium nocituro, aut in rebus vel minimis oneri molestiaeque futuro; Voluisse quidem se quoque si commode aliorum transferri potuisset; nunc autem nullam aliam viam rationemque, quam ut ibi relinquatur, reperiri posse. Tantum autem abesse ut

ci-



civitatis istius privilegiis aut immunitatibus vim aliquam afferre hoc pacto conarentur, ut potius tueri ac conservare haec omnia sui esse officii ducant. Ceterum illa certe auctoritate, qua Senatus Ecclesiasticus polleret semperque valuisset, in omnibus Ecclesiis, scholis et Gymnasiis patriae dirigendis, velle se uti, usurosque haud dubie etiam apud magistratum Maros-Vásárhelyensem, tamquam Ecclesiam emendatis sacris addictam, suumque adeo membrum. Hac accepta responsione, accedente praeterea Steinvillii toties tamque diserte declarata voluntate, quae eadem atque Caesaris ipsius, ut erat, ita quoque habebatur; non modo nihil amplius reluctabantur, sed, ut mobile solet esse vulgus, mutata priore sententia, complures qui adversus antea restiterant, fautores et amici repente facti, omnia benignitatis officia Gymnasio praestabant, idque cum sua copulari schola primo quoque tempore cupiebant ac laetabantur. Agebat eo tempore Curatorem ambulatorii hujus Gymnasii Comes S. R. I. Iosephus Telekinus Székenfis, vir non minimis in rem publicam tam civilem quam Ecclesiasticam meritis praeclarus; ludum autem Maros-Vásárhelyensium procurabat Ioannes Toldalaginus; quibus e familiis duabus oriundos hodie quoque Illustrissimos ambo Curatores, illorum antiquorum paene cognomines, nescio quo fato, felici fortassis omine habemus;

illis itaque cum et alios viros Illustres Senatus Procerum nostratium adjunxisset, eosque summa omnes Augusti Caesaris Caroli VI. auctoritate atque in rebus agendis potestate, quam a Steinvillio sibi traditam acceperat, armavisset; hos ita ornatos et instructos Várfahelyinum delegavit; si quid forte repugnantiae et contentionis in civibus adhuc reliquum esset, ad id ex eorum animis penitus eximendum, pacemque et concordiam inter utrasque partes conciliandam, postremoque ad duos istos literarum ludos, tamquam membra divisa in unum corpus conjungendos, ac veluti duo apium examina in unum idemque alvearium redigendos. Haec itaque legatio cujus princeps Iosephus Telekinus erat, ut in urbem hanc pervenit, re prius omni ac disensione cum magistratu certis legibus et conditionibus composita; dein utriusque Gymnasii juventutem una cum suis praeceptoribus, anno hujus Seculi XVIII. pridie Kal. Maji, in aream ludi Várfahelyensis convocavit, ibidemque more modoque solenni decretum et voluntatem Imperatoris et ejus in hac Provincia Praefidis Steinvillii, de Gymnasii loco, sede, statione Várfahelyini in perpetuum figenda, fundanda ac stabilienda, publice promulgavit; Michaëlemque Köpetzinum V. C. qui adhuc ludo Várfahelyensi praefuerat, duobus Gymnasii Albá profecti profesoribus Zilaino et Szatmarino adjecit, et in eorum collegium adoptavit.

His



His rebus ita perfectis et consummatis denique factum est, Auditores ornatisimi, ut haec Delos nostra, post tot natationes, et quatuor atque sexaginta annorum fluctuationem, ante hos tres et sexaginta annos, non ad insulas Gyaron et Myconon, sed ad sanctissimum Augusti Caroli decretum, et summi Senatus Ecclesiastici nostratis, omniumque bonorum consensum, hoc in loco, hac in urbe in posterum perpetuo mansura religaretur.

Non ego jam hic memorabo mille calamitates et injurias, quasi totidem tempestates ab hoc Gymnasio fortiter exceptas, quas ei Loyolitarum qui Iesuitae dicebantur, praecipue familia hac in urbe concitavit; quorum oculi sine summo dolore ac vulneribus nunquam videre poterant, tot talesque viros ex eo, tamquam ex equo Trojano, in utramque nationis Hungaricae patriam disseminari; unde quotiescunque vel aedificia ruinas minantia reparanda essent, toties continuo praefectum arcis sollicitare et in illud stimulare, ut ventos adversantes et contrarios commoveret, non desisteabant. Videbant enim mortalium callidissimi, et ad omnem fraudem, dolum, malitiam, machinasque et insidias acerrimi, totique sceleribus et fallaciis confuti, hoc in ludo non juventutem modo Transilvaniensem sed vel in primis Hungaricam, ex qua oriundos superioribus temporibus doctores eorumque magna ex parte discipulos,

habuerat, bonis artibus et doctrinis erudiri, qui reduces in solum natale facti, hic eorum regno non minimum detrimenti videbantur afferre. A qua peste pernicieque tam immani et importuna, tandem aliquando singularis Dei O. M. benevolentia, nec non Regum, Principum, Pontificumque sapientissimorum nunquam satis laudanda cura, providentia, superioribus annis rem Christianam liberavit. Quo major certiorque spes affulget, fore, ut quoniam illa jam Aeolia turbinibus foeta, unde semper venti furentes in hanc nostram insulam adhuc emittebantur, aeternis est obstructa claustris; stabili jam illa quiete, quam per istos sperare licuisset nunquam, hoc in loco perfruatur, nullis deinceps nimbis ac tempestatibus perturbanda.

Sed neque porro illud instituta brevitatis ratio permittat, ut ordinem, ut successiones, ut nomina vitasque professorum ludi hujus, qui praeter octo jam supra laudatos praedicatosque, numero decem ad hodiernum usque diem extitere, persequar; id quod ceteroqui perfacile mihi foret, propterea quod, si ab uno Samuele Szombatino discessero, novem reliqui probe mihi noti cum omni vitae suae consuetudine, moribus, fortunaque fuissent; quippe quos partim doctores praeceptoresque venerandos, partim collegas honorandos in hac ipsa literarum ac bonae mentis officina habuisssem. Verum enimvero  
mum



mium longus fermo narratioque exitura videtur, si vel de quatuor illis, Ioanne Kövesdio, Samuele Nadudvario, cognomineque Tetsio, ac Stephano Intze, qui jam omnes a vita discesserunt, dicendi principium facere velim; quo etiam illud accedit, quod in hoc ornatisimo coetu vestro plures reperiantur, quibus illorum non fata modo, sed ipsa ora, vultus et imago, non minus atque mihi, ad nomina commemorata in animum recurrat, totique ante oculos mentis memoriaeque vestrae propositi versentur. Quae cum ita sint, Auditores ornatisimi, id unum superesse jam videtur, ut ad alteram orationis meae partem, eamque potiore, cuius gratia omnis haec suscepta nobis est narratio, transeam; quae tamen, quanto dignitate illam superiorem antecellit, tanto brevior verborum apparatu futura est, quod res hic nobis erit cum Deo, cum Principibus, et cum hominibus piis, sanctis sapientibusque, qui re factisque sibi satis fieri, quam multis verbis, et longa oratione gratias agi malunt.

Aequum igitur est, ut animo, a specie ac similitudine Deli natantis abducto, nostras paullisper cogitationes ad imaginem templi in ea constructi, et Apollinis Musarum praefidis honoribus dedicati convertamus; cuius quidem fani mirificam religionem, sanctitatem et antiquitatem non Cicero tantum praedicat, sed et Callimachus Cyrenaeus, poëta vetus

et auctor valde bonus, alique sexcenti priscorum commemorarunt. Nihil nunc attinet de illius delubri variis ornamentis vel internis vel externis, nihil de structurae magnificentia, pluribus exponere; nec arae illius admirandae meminisse juvat, quae in eodem fano, teste Plutarcho, visebatur, inter septem mundi miracula relata; quod neque ullo glutine aut caemento, nec aliis vinculis cohaerebat, sed ex innumeris cornibus dextris, opere stupendo compacta et coagmentata fuisset. Vnum est, quod etiam si nullius certa scriptoris auctoritate, at veri certe simili conjectura ducto mihi licebit affirmare, postero saltim tempore, quo librorum non modo scribendorum, sed etiam publice aservandorum usus et consuetudo apud Graecos invaluisset, in Deliaci hoc etiam Apollinis templum tam celebri, communique Graeciae totius aerario, hujusmodi eruditionis instrumenta et librorum thesauros fuisse repositos et custoditos; si consideremus Romanos, qui Deorum cultus, religiones, et caeremonias plerasque omnes, Graecis acceptas referebant, idem facitasse, cum in porticu, Apollinis Palatini templo addita, bibliothecam Latinam Graecamque collocandam putaverunt. Quod si est, ut equidem vix dubitandum arbitror, quis non videt luculentam imaginem et convenientiam, quae celebratissimum illud fanum Deliacum inter, et hoc pulcherrimum Gymnasii nostri templum  
et



et auditorium, conjunctamque cum eo bibliothecam intercedit; si modo a Deorum falforum cultu vanaque superstitione discedamus, quae in illo Apollini deferebatur, cum contra ea, hoc in sacrario bonae mentis, verissimum numen Dei praepotentis et mundi procreatoris adoretur? Cum autem haec augustissima Deoque et optimis artibus devota domus, cujus parietes ipsi laetari mihi videntur, et vel me tacente suis positoribus gratias agere gestiunt, piorum hominum nostratium utriusque sexus, omnis aetatis et conditionis, maximeque Procerum, Nobilium ac verbi divini praeconum cuncta patria disperforum stipe collata, sit constructa et excitata, fierique nullo modo posset non aliquem e tantis, nefas autem quemquam esset praeterire; non ego statui singulorum benefacta nominatim in praesentia commemorare; id quod si maxime praestare nullo negotio possem, probe tamen scio illos ipsos hoc a nobis minime postulare, contraque quo minus fiat, vehementer esse recusaturos.

Ecquem igitur tandem appellem? quod nomen principe loco ponam? cujusnam maxima merita in hanc aedem a fundamentis aedificandam extiterunt, quae sine scelere nefario fileri neutiquam possunt? Nempe tuum nomen illud est o beatissima Maria Theresia, sanctissima Princeps! haec tua laus etiam post tua fata sempiternis gratiarum actionibus praedicanda;

cui si nos vivae debitum grati animi officium verbis  
faltim praestare non potuimus, at nihil dubitamus  
quin tuae benignitatis hoc in genere probatae larga  
fatis cumulataque ab ipso Deo O. M. praemia sint  
tibi re ipsa jam pridem persoluta. Tuum tamen sa-  
cratissimum nomen, dum haec aedes stabit, hoc in  
sacrario quoque semper manebit; tuasque laudes nulla  
vetustas abolebit; quae tam libenter, tam promte  
parateque et tam clementer plenam ejus aedifican-  
dae libertatem facultatemque, simul rogata fuisses,  
simul donaveris, dederis, concesseris; eandemque  
nobis usque ad eum finem, quoad perfectum con-  
summatumque totum opus foret, fartam tectamque  
conservaris!

Te vero sacratissime Pater patriae, Auguste Cae-  
sar Iosephe, qui in eadem potestate nobis clemen-  
ter concedenda Divae tuae parentis sententiae sub-  
scripseris, quibus ego verbis alloquar? cujus virtu-  
tibus divinis quae tandem oratio, quae dicendi vis  
par inveniri posset? Tibi haec domus recens condi-  
ta, secundum dicata, devota, consecrata esto; pro  
cujus salute et incolumitate, summiq[ue] imperii pro-  
speritate, bis quotidie hoc in templo re divina fa-  
cienda, sacrisque precationibus in coelum mittendis  
vota nuncupantur; neque ullas ego preces et suppli-  
cationes coelesti Numini, cujus vices in terra ge-  
ris, et vero dignissime geris, gratiores accidere posse  
ar-



arbitror, quam quae tuo nomine, proque sacratissima tua persona, vel hic, vel alibi locorum peraguntur. Non equidem adulamur te, Princeps sapientissime, quippe qui supra omnes blanditias, et assentationem positus es; neque nos ea conditione fumus, ut auribus tuis quicquam dare, aut palpum obtrudere possimus; hoc tamen confirmare non dubitamus; si nobis nullum aliud esset officium in omni vita reliquum, nisi ut pro tua felicitate, Deum, supplicibus verbis precaremur, et obsecraremus, ut te quam diutissime superstitem, ac fospitem esse jubeat, atque suos ut oculos tueatur; exiguum reliquae vitae tempus relictum videretur, vel ad semestris temporis acta tua, omnis justitiae et aequitatis plenissima, memori mente recolenda, atque ad te, pro illis, divinae curae custodiaeque, sublatis ad coelum manibus, animo autem demississimo, commendandum. Quare nihil amplius nunc quidem dicam, nisi illam verbulo gratiam commemorabo, quam tibi sola haec aedes, eidemque annexa illa bibliotheca debet, quae tamen et ipsa non modo referri, sed ne quidem commemorari satis pro dignitate potest. Tu enim, simul atque patriae nostrae principatum, una cum dominatu regnorum aliorum iniisti; continuo eam tuam voluntatem sacratissimam de libris in has regiones libere importandis ostendisti, qua diviniorem ac sapientiore nulla unquam

acras

aetas vidit, neque nostra haec tempora optare vel cogitando potuerunt. Nam nisi bonis moribus noxios aut nimis contumeliose scriptos, ceteros omnes sine religionum et caeremoniarum discrimine, ut patriae parente dignum, qui omnibus idem esse debet, numero vetitorum exemisti, censorumque severa notatione, atque animadversione, cui adhuc fuerant obnoxii, divinitus liberaasti. O Principem omnium qui sunt, fuerunt, erunt, virtute, sapientia, iustitiaque principem! Quis igitur toto terrarum orbe vivit, cui dignius, iustius, cui meliori jure, novum hoc templum et bibliothecam, post Deum dedicaremus, quam tibi, maxime Iosephe, non tamquam Apollini Palatino, sed unico veri Dei certissimoque in terris vicario, coelestisque Numinis munus atque partes, omni cum sapientiae ac bonitatis laude sustinenti? qui ut ad clavum regni sedere coepisti, quasi signum quoddam ad bene de rebus humanis sperandum sustulisti; ac res duas, quae ante disociabiles videbantur, principatum ac libertatem misceri posse, certissimis speciminibus, brevi temporis intervallo, hominum genus universum edocuiisti. Quocirca sacratissime Imperator, non tam domine quam parens indulgentissime, verissima patris nostri coelestis et praesens in terris atque aspectabilis imago, neque timor aut metus, sed amor deliciaeque populorum; tuae nos nostrumque Gymnasium et sanctis-



ctissimum hoc ejus templum , tutelae tradimus et commendamus , proque maximarum rerum quas divino tuo consilio , tot gentium nationumque saluti bonoque moliris , felici semper et ubique successu futuro , praepotentem Deum votis et obtestationibus fatigare , nullo unquam tempore desistemus.

Sequitur nunc , ut ad vos , viri excellentissimi , rerum vel bellicarum vel civilium hujus Provinciae rectores et gubernatores ; ceterique in Curia Transilvaniensi sacrae Caesareae Regiaeque majestatis Consilarii , et arcanorum participes gravissimi , mea se convertat oratio ; quibus excellentissimum communis cunctae patriae Tribunalis juridici praesidem , ceterosque Iudices lectissimos , in eisque Ill. Comites ambo Gymnasii nostri Curatores ; nec non Iudicii continui , quod vocant , in hac Dioecesi Marofienfi Praefectum regium , in eoque conventu reliquos causarum cognitores et arbitros ; denique hujus civitatis Maros-Vásárhelyensis nobilissimum Consulem , aliosque magistratus , adjungo ; quorum plerique vel opibus vel consilio vel utrisque ad hujus auditorii substructionem , suam operam , auxilium , subsidium , adjumentumque non inviti sed lubentes , non gravate sed studiose , quin ultro etiam et sua sponte contulerunt . Quare cum ea sit in vestris quoque beneficiis et in hoc novum aedificium promeritis magnitudo multitudoque , ut vel copiosissimo  
et

et uberrimo ingenio justam fatis materiam ad agendas vobis gratias suppeditare queat; nolite quaeso, viri sapientissimi, fidelem in nobis grati animi memoriam, meae hujus orationis jejunitate et infantia dicendi metiri; sed pro vestra potius sapientia cogitate, si omnium omnino hominum conscientiam vestra haec merita prorsus effugerent, ut iis agnoscendis vel praedicandis, suum vobis studium declaraturus esset utique nemo; non tamen illa Deo celari posse; tantoque majorem apud eum vestrae hujus pietatis mercedem ac remunerationem, olim haud dubie vobis reddendam, esse praeparatam; quanto minus praemiorum in hac mortali vita pro eisdem accepissetis. Sed tamen et nos ipsi, ut quantum deberemus non possumus, certe quantum quidem possumus perficiemus, ut vestri muneris, beneficentiae ac liberalitatis memoriam studio sempiterno, et immortalis habenda vobis gratia, perpetuo colamus; neque diem ullam vel oriri vel occidere patiamur; quin pro vestra conjugumque et liberorum vestrorum vita, salute, incolumitate, bonis fortunisque omnibus conservandis, vota castissima hoc in templo concipiantur, conceptaque Deo O. M. quam religiosissime et ardentissimo pietatis sensu persolvantur.

Vos autem conjunctissimi Collegae, Stephane Balsa, et Iosephe Fogarasi, viri clarissimi, omnique

tam



tam eruditionis quam cetera laude cumulati, quibus ego humaniores et candidiores, quod praefiscine dixerim, nec sperando nec optando possem cogitare, tacitus nullo modo praeterire possum; tuque in primis Stephane Bafa, hujus Gymnasii celeberrime Rector, aut potius consilio, prudentia, procuratione, diligentia, animique lenitate ac mansuetudine, pater, nominatim a me separatimque ab aliis, appellandus mihi videris. Si nihil aliud in omni tua vita dignum laude vel adhuc fecisses, vel esses deinceps factururus, quam quod in excitanda hac aede pulcherrima cum omnium admiratione probavisti; hoc unum ad omnem posteritatis praedicationem abunde sufficere posset; siue in hac quinque circiter annorum aedificatione, nullam aliam curam, industriam diligentiamque demonstravisses, quam eam solam, quam innumerabilibus epistolis aut literis supplicibus ad omne genus hominum beneficorum tuis manibus exarandis ac misitandis impendisti; nullis tamen, incredibilis illa sollicitudo, diurna nocturnaue rerum administrandarum providentia, et divina quaedam in agendo dexteritas, tanta illa tamque mirabilis in rebus non minus gerendis quam excogitandis celeritas, verborum praeconiis pro merito celebrari posse unquam videretur. Vt mihi quidem, quoties te, tuasque virtutes inusitatas confidero, id quod ego nullo fere non temporis puncto facio; toties veniat  
in



in mentem, quo tempore sacrae Theologiae professor hoc in ludo creandus esset, tuque diu et multum quaesitus, et vix fuisses tandem, multo magnoque labore repertus; totum illud negotium non humano consilio sed ne divino quidem mediocri fuisse gestum, ut post tam diuturnam deliberandi cunctationem, tu potissimum ex omnibus electus, his praecipue temporibus regendo Gymnasio et ejus rebus administrandis admoverere, in quae et hujus auditorii de novo condendi necessitas, et ceterorum domiciliorum et aedificiorum ruinae jam jam instantes et impendentes inciderunt. Nisi enim tua illa singularis et inaudita solertia, labor, sedulitas, in ipso temporis articulo huc accessisset; cum a sacratissimis Principibus ad aedificandum concessa facultas, tum priorum hominum larga munificentia, si non penitus in casum casura fuerunt, non tamen tam utiliter tantoque cum fructu et commoditate, in usum tam necessarium converti potuerunt. Tu lapides, tu calcem, tu omnem materiam ubi diligentissime ac mature praeparandam curavisses; et cum omnis generis opificibus, fabris et architectis egisses, deque omni ratione, forma, magnitudine aedificii extruendi composuisses contraxisquesque; incredibili plane celeritate, non ad testum tantum et culmen totum opus, vel in hac urbis nostrae magnificentia conspiciendum, perduxisti, verum etiam feliciter omnia per-



perfecisti, absolvisti, consummavisti; ita ut si quis est, cujus ob summa in hanc substructionem promerita, laus celebranda sit, ac diseminanda; tu certe unus omnium maxime is es, cujus nomen non in hac solum oratione summi honoris causa ponendum; verum etiam aureis trabalibusque literis, in hujus aedificii singulis partibus, januis, postibus, valvis, parietibus, et subscelliis inscribendum, atque ad omnem serae posteritatis memoriam propagandum esse videatur. Nihil de ceteris tuis virtutibus, ne quidem ad aedificandum et ad rem familiarem custodiendam pertinentibus loquar, quae alterius sunt loci; sola hac aede unica constituenda, aeternum, et omnibus signis, statuis, aereque perennius tibi monumentum excitavisti. Quapropter omnis haec nostra juvenus, si bona sua norit, et omnes mecum una boni, summum Numen vehementer precantur, aut te, non modo sacrarum literarum in hoc Gymnasio tradendarum, et eorum quae doces, integritate vitae et innocentia accurate exprimendorum et confirmandorum gratia, verum etiam rei publicae ac familiaris Gymnasii nostri procurandae et administrandae causa commodoque, quam diutissime, salvum, felicem, fospitem et incolumem conservet!

Novissimo denique loco, te, Deus immortalis ac sempiternus, pater Domini nostri Iesu Christi, nosterque per eum coelestis; quem propter beneficia populus quoque Christianus Optimum, propter vim et po-



testatem, Maximum, jure ac merito nominare potest; qui ut olim populi tui Israëliti, quem sanctissimo tuo foedere dignatus eras, quadraginta per annos in vasta illa solitudine, locisque humano cultu vacuis oberrantis, donec transito Iordane fluvio, in terra Cananaea per te sibi tot ante seculis ostensa promissaque confedisset; sic hujus Gymnasii nostri Várfárhelyensis per annos amplius sexaginta vagantis, postque tam varios casus et tot rerum suarum discrimina, ex tua voluntate decretisque tuis, hac in urbe pulcherrima, sedes tandem aliquando quietas nacti, constantissimus ductor, defensor atque Stator, ad hodiernum usque diem extitisti; cujusque sanctissimo cultui, honoribus caeremoniis, et religionibus, augustam hanc aedem recentius constitutam, libentes meritoque damus, dicamus, et summa cum animorum nostrorum demissione, laeti tamen et alacres consecramus; te inquam, tuum propter filium, nostrum Servatorem Christum Iesum, una cum sanctissimo tuo Spiritu, supplices rogamus, quaesumus, obtestamur, obsecramus et veneramur, ut quorumcumque beneficio quacumque ratione praestito, hoc splendidissimum omnis doctrinae liberalis sacrarium est erectum et constitutum; illos omnes singulari prorsus et eximio tuae misericordiae paternae coelestisque benignitatis favore, vivos mortuosque complectare; proque singulis, quos in eam rem expenderunt, obolis, non alterum modo tantum, sed centies mil-

li.



liesque majorem auri argentique modum, et alia omnia inexhaustae tuae largitatis munera his longe meliora rependas; tandemque peracto mortalis vitae curriculo, certum in coelo definitumque reddas locum, ubi aevo sempiterno quam beatissimi perfruantur. Utique preces et supplicationes, quas haec tibi sacra devotaque iuventus, singulis diebus, statis horis, matutinas vespertinasque hoc in templo, pro sacratissimo Principe nostro, illo, illo verissimo populorum et vigilantissimo pastore, vice in terris tua fungente, in quo tua coelestis bonitas quid efficere possit, videtur experta; proque sapientissimo ejus in hac provincia rei publicae gubernatore, ceterisque Senatoribus, et pro aliis omnibus nostris Maecenatibus et nutriciis, cujusslibet status, ordinis, sexus, aetatis, atque conditionis; nec non pro miseris gravi et desperata valetudine prostratis, et in summo vitae discrimine laborantibus; pro his inquam et bonis omnibus, quas tibi obsecrationes, hac in aede sacra, haec iuventus scholastica fecerit; eas omnes propter Filium tuum, qui nos tibi, teque nobis reconciliavit, viamque cum spe fiduciaque nobis ad tuae gratiae folium accedendi munivit; ne averseris, neve despicias, et aspernere, sed potius clementissimis tuis auribus accipias, eisque pro paterna tua misericordia libenter annuas, teque exorari patiare. Utique tuo Spiritu praepotenti perficias, ne unquam hac e cathedra et hoc e loco superiore, ulla doctrina



pestifera, vana atque futilis, sanctissimoque tuo verbo, quod sacri vates legatique olim tui, scriptis omnium hallucinatione hominum propria superioribus configurarunt, adversa et contraria; sed omnes artes ingenuae, liberalesque disciplinae ad veram erga te pietatem et ad bene beateque vivendum, omnemque humanitatem utiles, ab earum professoribus tradantur, ac teneris adolescentium hominum mentibus instillantur. Effice praeterea pater coelestis, ut nostrum hoc Athenaeum, hoc amoenissimum virtutis ac pietatis Gymnasium, sit montis ingentis aut saxi praegravispenderosque simillimum, quod quicumque hoc e loco, per odium et invidiam, mala mente consilioque ducti, movere atque proturbare conati fuerint, disrumpantur, manifestamque tuam iram et indignationem iustissimam, continuo perferant; contraque adde ei hac in sede perpetuitatem perennemque omnis divinae humanaeque sapientiae docendae discendaeque praesta felicitatem; cursumque et progressum sine ulla offensione secundum; ut ex hoc fecundissimo rei publicae tam civilis quam Ecclesiasticae seminario, plantae innumerabiles optimaeque transferantur, translataeque non modo comprehendant, pulcerrimeque floreat, sed fructus etiam uberrimos utilissimosque proferant, ad sanctissimi tui Numinis laudem gloriamque per omnes seculorum aetates celebrandam.

---

F I N I S.



Haáz Rezső Múzeum  
Tudományos Könyvtára



Haáz Rezső Múzeum  
Tudományos Könyvtára